

Մամուլի հաղորդագրություն  
12 փետրվարի 2021թ.

## HSBC Հայաստանի ու ՔՈԱՖ-ի համատեղ կրթաթոշակների ծրագրի 2019-2021 ուսումնական տարիների ամփոփում

ԵՐԵՎԱՆ - Փետրվարի 11-ին «Էյչ-Էս-Բի-Սի Բանկ Հայաստան» ՓԲԸ-ն (HSBC Հայաստան) և «Հայաստանի մանուկներ» բարեգործական հիմնադրամն (ՔՈԱՖ) առցանց ձևաչափով ամփոփեցին 2019-2021 ուսումնական տարիների կրթաթոշակների ծրագիրը, որի նպատակն է աշխատաշուկայում մրցունակ, գիտակ և մասնագիտական հմտություններ ունեցող կադրերի պատրաստումը: Նշված տարիների համար ծրագրային ընդհանուր ֆոնդը կազմել է 13.1 միլիոն ՀՀ դրամ, որից 9.7 միլիոն ՀՀ դրամը տրամադրել է HSBC Հայաստանը: Կրթաթոշակ են ստացել 20 մարզաբնակ ուսանողներ (ընդհանուր առմամբ՝ 50 կրթաթոշակ), որոնցից 18-ն արդեն անցել են մասնագիտական պրակտիկա Հայաստանի լավագույն 10 կազմակերպություններում:

Երկու կազմակերպությունների վեցամյա համագործակցության արդյունքում ավելի քան 100 մարզաբնակ ուսանողների ընձեռնվել է Հայաստանի պետական և մասնավոր բուհերում ու միջին մասնագիտական հաստատություններում ստացիոնար և հեռակա կրթություն ստանալու հնարավորություն: Մինչ օրս ծրագրի արժեքը կազմել է ավելի քան 80.000 ԱՄՆ դոլար:

«Գյուղական համայնքների բնակիչներին, մասնավորապես երիտասարդներին, իրենց ողջ ներուժի բացահայտման ու կիրառման հնարավորությունների ընձեռումը ՔՈԱՖ-ի առաքելության առանցքում է, ուստի HSBC Հայաստանի հետ համատեղ իրականացվող այս ծրագիրը մեզ համար շատ կարևոր է. պատահական չէ, որ արդեն 6 տարի շարունակ իրագործում ենք այն», - ընդգծում է ՔՈԱՖ-ի գործադիր տնօրեն Կորյուն Խաչատուրյանը:

Ի լրումն ֆինանսական աջակցության՝ ՔՈԱՖ-ն ու HSBC Հայաստանն ուսանողների համար մշակել են կարիերայի զարգացման փաթեթ, որը ներառում է պրակտիկա, մենթորություն և աշխատունակության հմտությունների զարգացման դասընթացներ: HSBC Հայաստանի աշխատակիցները ծրագրի մենթորության բաղադրիչի շրջանակում հանդես են եկել նաև որպես կամավորներ:

«Մենք HSBC Հայաստանում քաջ գիտակցում ենք, որ կրթված և բանիմաց երիտասարդները հանդիսանում են երկրի տնտեսական և սոցիալական աճն ապահովող հիմնական ուժը: Հենց այս պատճառով արդեն իսկ 6 տարի է ինչ ՔՈԱՖ-ի հետ համատեղ իրականացնում ենք կրթաթոշակների ծրագիրը՝ հնարավորություն ընձեռելով մարզաբնակ երիտասարդներին իրենց լուծման ունենալ երկրի և մասնավորապես իրենց հարազատ համայնքների զարգացման և բարգավաճման գործում», - նշեց HSBC Հայաստանի գլխավոր գործադիր տնօրեն Իրինա Սեյլանյանը:



CHILDREN  
OF ARMENIA  
FUND



**HSBC Խումբ**

HSBC Holdings plc-ը՝ HSBC Խմբի ընկերության գլխամասը, գտնվում է Լոնդոնում: Խումբը ծառայություններ է տրամադրում 65 երկրներում և տարածաշրջաններում՝ Եվրոպայում, Ասիայում, Հյուսիսային և Լատինական Ամերիկայում, ինչպես նաև Մերձավոր Արևելքում և Հյուսիսային Աֆրիկայում: HSBC-ն հանդիսանում է աշխարհի ամենախոշոր և հզոր ֆինանսական կառույցներից մեկը, որի ակտիվները 2020թ. մարտի 31-ի դրությամբ կազմել են 2,918 միլիարդ ԱՄՆ դոլար:

**HSBC Հայաստան**

«Էյ-Էս-Բի-Սի Բանկ Հայաստան» ՓԲԸ-ը հիմնադրվել է 1996թ-ին: Բանկը համատեղ ձեռնարկություն է, որի 70%-ը պատկանում է HSBC Խմբին, իսկ 30%-ը՝ արտերկրի հայ գործարարի: Էյ-Էս-Բի-Սի Հայաստանը սպասարկում է շուրջ 30 000 հաճախորդի Երևան քաղաքում գտնվող իր 8 գրասենյակների և մոտ 362 աշխատակիցների միջոցով: 2020թ.-ի մարտի 31-ի դրությամբ բանկի ակտիվները կազմել են 298 միլիարդ ՀՀ դրամ ներառյալ Էյ-Էս-Բի-Սի Բանկ ՓԻ-Էյ-Սի Լոնդոնի կողմից Բանկի միջնորդությամբ տրամադրված վարկեր:

**«Հայաստանի մանուկներ» բարեգործական հիմնադրամի մասին**

«Հայաստանի մանուկներ» բարեգործական հիմնադրամը (ՔՈԱՖ) բարեգործական կազմակերպություն է, որի նպատակն է բարձրագնել Հայաստանի գյուղաբնակների կյանքի որակը համայնքային զարգացման երեխայակենտրոն ծրագրերի միջոցով: Հիմնադրամի համակողմանի ծրագրային մոդելի իրագործումը սկսվել է 2004թ., և այդ ժամանակից ի վեր իրականացվում են կրթական, առողջապահական, սոցիալական և տնտեսական ծրագրեր, ինչպես նաև հիմնանորոգվում են համայնքների համար կենսական նշանակություն ունեցող ենթակառուցվածքները: Այս ծրագրերի շահառուներն են Հայաստանի Արմավիրի, Արագածոտնի, Լոռու, Չիրակի և Տավուշի մարզերի 64 համայնքների ավելի քան 107,000 բնակիչները:

2015թ. սկսած՝ ՔՈԱՖ-ը մշակել և իրագործում է նոր տեսակական՝ ՍՄԱՐԹ նախաձեռնություն: ՍՄԱՐԹ-ը կրթության միջոցով առաջխաղացում է ապահովում գյուղական աշխարհի համար, ինչի արդյունքում շահում են անհատները, հասարակությունը և միջավայրը:

ՔՈԱՖ ՍՄԱՐԹ առաջին կենտրոնը տեղակայված է Լոռու մարզի Դեբետ գյուղում. բացումը կայացել է 2018 թ. մայիսի 27-ին: